

Maswali Yanayoulizwa Mara kwa Mara Kuhusu EBT kutokana na Janga ya Utunzaji Mtoto (P-EBT) na P-EBT ya Utunzaji Mtoto ya Msimu wa Kiangazi Mwaka wa Masomo wa 2020-2021 (Tarehe 3 Juni 2021)

Swali la 1: Msaada wa P-EBT wa Utunzaji Mtoto ni nini?

Jibu: Ni msaada wa vyakula wa muda ulioidhinishwa na serikali ya shirikisho ili kusaidia kaya zilizo na watoto chini ya miaka 6 wakati wa janga la COVID-19.

Swali la 2: Nani anastahiki misaada ya P-EBT ya Utunzaji Mtoto?

Jibu: Kaya za Vermont zinazopokea msaada wa 3SquaresVT zilizo na watoto walio chini ya umri wa miaka sita. Misaada ya P-EBT ya utunzaji mtoto utatolewa kwa kila mwezi kuanzia Oktoba 2020 hadi Juni 2021 kwa kaya zinazostahiki.

Swali la 3: P-EBT ya Utunzaji Mtoto ya Msimu wa Kiangazi ni nini?

Jibu: P-EBT ya Utunzaji Mtoto ya Msimu wa Kiangazi ni nyongeza ya misaada ya P-EBT ya Utunzaji Mtoto kwa kipindi cha kiangazi.

Swali la 4: Nani anastahiki misaada ya P-EBT ya Utunzaji Mtoto ya Msimu wa Kiangazi?

Jibu: Kaya za Vermont zinazopokea msaada wa 3SquaresVT zilizo na watoto walio chini ya umri wa miaka sita wakati wowote wakati wa msimu wa kiangazi (Julai na/Agosti 2021) zitapokea msaada kamili wa Utunzaji Watoto wakati wa Msimu wa Kiangazi.

Swali la 5: Je, msaada wa P-EBT wa Utunzaji Mtoto ni kiasi gani?

Jibu: Msaada wa P-EBT wa utunzaji mtoto unalingana na kiasi cha msaada wa P-EBT wa masomo mahuluti, ambacho ni \$71.61 kwa kila mtoto kwa Oktoba 2020 – Februari 2021. Kiasi cha Machi - Juni 2021 kiko chini kwa sababu ya kupungua kwa kiasi cha msaada wa shule wa P-EBT kwa kwani shule zilirudi zaidi kwa masomo ya ana kwa ana katika msimu wa kuchipua:

- o Machi \$38.19
- o Aprili \$37.51
- o Mei \$33.42
- o Juni \$30.69

Watoto wanaostahiki msaada wa P-EBT wa Utunzaji Watoto watapokea malipo kwa kila mwezi kuanzia Oktoba 2020 hadi Juni 2021, au mwezi wa mwisho wa uandikishaji wa msaada wa 3SquaresVT wa kaya, tarehe yoyote iliyotangulia.

Swali la 6: Je, msaada wa P-EBT wa Utunzaji Mtoto ya Msimu wa Kiangazi ni kiasi gani?

Jibu: Msaada wa jumla kwa P-EBT ya utunzaji wa mtoto ya msimu wa kiangazi ni \$375 kwa kila mtoto. Tofauti na msaada wa kawaida wa Utunzaji Mtoto wa kila mwezi, msaada wa P-EBT wa

Utunzaji Mtoto wa Msimu wa Kiangazi ni msaada wa kiasi kinachotolewa sawia kwa wote cha wakati mmoja ambao unahusika kwa miezi yote ya msimu wa kiangazi ya Julai na Agosti.

Swali la 7: Je, misaada ya P-EBT ya Utunzaji Mtoto na P-EBT ya Utunzaji Mtoto ya Msimu wa Kiangazi itatolewa lini?

Jibu: Duru ya kwanza ya misaada (kwa Oktoba 2020 - Mei 2021) itatolewa mwishoni mwa Julai/mapema Agosti 2021. Misaada kwa Juni 2021 itatolewa mwishoni mwa Septemba 2021, pamoja na msaada wa P-EBT wa Utunzaji Mtoto wa Msimu wa Kiangazi. Tarehe hizi zinaweza kubadilika, tafadhali endelea kutembelea tovuti hii kwa Maswali Yanayoulizwa Mara kwa Mara yaliyosasishwa.

Swali la 8. Ninawezaje kujua iwapo kaya yangu inastahiki?

Jibu: Kitengo cha Huduma za Kiuchumi (ESD) kitaamua kama mtoto wako anastahiki, kufuatana na vigezo hapo juu. Ikiwa unastahiki, utapata barua kutoka kwa ESD inayoelezea jinsi gani na lini utapata msaada.

Swali la 9: Ikiwa tunastahiki, je, tutapokea vipi misaada hii?

Jibu: Misaada ya P-EBT ya Utunzaji Mtoto hutolewa kwenye kadi ya EBT ambayo ilitolewa kwa kaya yako kwa msaada wako wa 3SquaresVT.

Swali la 10: Ulezi wa mtoto wangu umegawanyika kati ya kaya mbili. Nani atapata msaada?

Jibu: Msaada huo utatumwa na ESD kwa mtu mzima ambaye ameorodheshwa kama Mkuu wa Kaya katika mpango wa msaada wa 3SquaresVT.

Swali la 11: Ninaweza kununulia nini msaada huu?

Jibu: Angalia [orodha ya vyakula vinavyostahiki](#) kwenye tovuti ya USDA.

Swali la 12: Ninaweza kutumia wapi kadi yangu ya EBT?

Jibu: Unaweza kuitumia kununua vyakula katika eneo lolote ambalo linakubali 3SquaresVT. Hii ni pamoja na maduka ya vyakula, maduka makubwa, maduka ya karibu, na masoko mengi ya wakulima katika Vermont. Pata maelezo zaidi kwenye [ukurasa wa wavuti wa EBT](#).

Swali la 13: Sina watoto walio katika huduma ya utunzaji mtoto. Je, naweza kupata msaada huu?

Jibu: Ndiyo. Watoto wote walio chini ya umri wa miaka sita na ambao wanapokea msaada wa 3SquaresVT wanastahiki.

Swali la 14: Nina watoto wengine wakubwa zaidi ya miaka sita. Je, wanastahiki msaada wa P-EBT wa utunzaji mtoto?

Jibu: Hapana. Msaada unapatikana tu kwa watoto ambao wanapokea msaada wa 3SquaresVT na walio chini ya umri wa miaka sita. Tafadhali angalia Maswali Yanayoulizwa Mara kwa Mara ya P-

EBT kwa maelezo zaidi kuhusu misaada inayopatikana kwa watoto wenye umri wa kwenda shule.

Swali la 15: Je, itakuwaje iwapo sitaki msaada huu?

Jibu: Ushiriki ni kwa hiari. Ikiwa utachagua kutoshiriki, usitumie misaada ya ziada inayotolewa kwenye kadi yako ya EBT ya 3SquaresVT.

Swali la 16: Je, msaada wa P-EBT una tarehe ya mwisho ya matumizi?

Jibu: Ndiyo. Msaada wa P-EBT utakwisha ikiwa kadi haitatumika ndani ya siku 274.

Swali la 17: Nina maswali zaidi. Ninaweza kupata maelezo zaidi wapi?

Jibu: Tembelea <https://dcf.vermont.gov/esd/covid19/P-EBT> au piga simu 1-800-479-6151 chagua 7 kwa maelezo zaidi.

